



Na osnovu člana 2.9 stav (1) tačka 17, a u vezi sa članom 10.16 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13 i 07/14), Centralna izborna komisija Bosne i Hercegovine je na 4. sjednici, održanoj 12.01.2015. godine, donijela

ODLUKU
o raspodjeli mandata delegatu iz reda ostalih u Dom naroda Parlamenta Federacije
Bosne i Hercegovine

Segmedini Srna Bajramović, neizabranom kandidatu sa kandidatske liste Segmedine Srna Bajramović koji ima najviši količnik **jedan (1,00)**, dodjeljuje se mandat u Dom naroda Parlamenta Federacije Bosne i Hercegovine iz reda ostalih.

O b r a z l o ž e n j e

Odredbom člana 10.10 Izbornog zakona Bosne i Hercegovine propisano je da kantonalna zakonodavna tijela biraju 58 delegata u Dom naroda Parlamenta Federacije Bosne i Hercegovine, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Nakon provedenog prvog kruga izbora delegata u Dom naroda Parlamenta Federacije Bosne i Hercegovine i uvidom u odluke o utvrđenju rezultata posrednih izbora u prvom krugu izbora delegata iz reda ostalih, Centralna izborna komisija Bosne i Hercegovine je utvrdila da je izabrano ukupno četiri (4) delegata iz reda ostalih u Dom naroda Parlamenta Federacije Bosne i Hercegovine od potrebnih sedam (7), te da su tri (3) mjesta ostala nepopunjena.

U skladu sa odredbom člana 10.16 stav (2) Izbornog zakona Bosne i Hercegovine, Centralna izborna komisija Bosne i Hercegovine vrši ponovnu raspodjelu mjesta koja se ne mogu popuniti iz jednog kantona, odmah po završetku prvog kruga izbora delegata u Dom naroda Parlamenta Federacije Bosne i Hercegovine u svim kantonima.

Isto tako, Centralna izborna komisija Bosne i Hercegovine vrši preraspodjelu tog mjesta neizabranom kandidatu koji ima najviši količnik na svim listama koje se kandidiraju za odgovarajući konstitutivni narod ili za grupu ostalih u svim kantonima.

U postupku izbora delegata u Dom naroda Parlamenta Federacije Bosne i Hercegovine, Centralna izborna komisija BiH ovjerila je za izbor delegata iz reda ostalih pet kandidatskih lista iz svih kantona. Uvidom u rezultate posrednih izbora iz svih kantona, broj glasova koje su osvojile kandidatske liste, te neizabrane kandidate sa najvišim količnikom utvrđeno je da kandidatska lista Segmedine Srna Bajramović iz Kantona Sarajevo-Kanton 9 ima neizabranog kandidata Segmedinu Srna Bajramović sa najvišim količnikom jedan (1.00).

Imajući u vidu naprijed navedeno i činjenicu da su ispunjeni svi zakonski uslovi za ponovnu raspodjelu mandata, Centralna izborna komisija Bosne i Hercegovine je, u skladu sa članom

2.9 stav (1) tačka 17, a u vezi sa članom 10.16 Izbornog zakona Bosne i Hercegovine, odlučila kao u dispozitivu ove odluke.

Ova odluka stupa na snagu danom donošenja i objavit će se 12.01.2015. godine u 17 sati na web stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u posrednim izborima.


PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Broj: 06-1-07-1-15/15
Sarajevo, 12.01.2015. godine

Dostaviti:

1. Skupštinama kantona
2. a/a



Predsjednik

Stjepan Mikić